

پازار ایرتسی فی ۲۶ جمادی الاخری سنہ ۱۳۲۸ وفی ۲۱ حزیران سنہ ۱۳۲۶

جمعیت علمیہ اسلامیک ناشر افکاریدر


مدیر مسئول :
مکتب قضاة معلملرندن
کامیسی منیر

سر محرر :
فاتح مجیز درسماملرندن
توقاد مبعوثی
مصطفی صبری

صاحب امتیاز :
فاتح مجیز درسماملرندن
استانبول مبعوثی
مصطفی عاصم

مندرجات

ادبیات	تاریخ اسلام صحائفندن طاهر المولوی
نعت شریف طاهر المولوی	اسلامدہ علوم وفنون ع . عاطف
قصیدہ فریدہ ترجمہ سی کمال الدین خرپوتی	رؤس امتحانی
زندادہ بر ایکاتی غ . خیری	اخلاق م . صفوت
بیان الحق اداره سنہ احمد اسلام	اوروبادہ طلبہ منہ صراط مستقیم دن
قرہ موصل ضابطہ سنہ بر تشکر محمد نوری	جناب محمدہ نصیحتی




نسخہ سی ۱ غروشدر

آبونه اجرقتی (پوستہ اجرتیله برابردر)

مالک اجنبیه ایچون :
۶۰ ، ۲۰ فراتیق
۳۰ ، ۱۰

استانبول وولایات ایچون :
بر سنہ لکی ۶۰ غروش
القی آیلنی ۳۰ »



درج اولنیمان اوراق اعاده ایدلمز



قارئلرمنزه

اکثر مقالاتنه آیات کریمه واحادیث نبویه درج ایدلمش بولندینی نظراعتبارہ آلتھرق رعایتسزلکده بولنلماسی رجاوانور .



درسعادت

محمود بک مطبعه سنده طبع اولنمشدر

کر قتم کند در بیان معانی
کلام بدیع تو نسخ رسائل
نہاخر بمیزان دوان دوران
بود سحر سحران کم از راز باقل

مابعدی وار

کمال الدین خربونی



زندانه بر ایگلی - یاخود - حبسخانه ده

کندی کندمه میریلداغه


زمانک حکمی بوله : ظالمه امداد اولور پیدا
عدالت نرده ؟ بر مظلومه بیک بیداد اولور پیدا
آجیل ، چشم وطن ! بوم مصیبت نغمه کاهسین
نظرکاه خسارمده خراب آباد اولور پیدا !
بتون ذهن بشر سحرای نومیدیده پویاندر
آنکچون هر طرفده هرچه باد آباد اولور پیدا
باقن بوق .. دکله بن ، درد آکلایان بر مرد عالی یوق
صماخ مرحد یوق بوش یره فریاد اولور پیدا
صفای خاطرک کندی دکل عنوانی قالمشدر
صورار سهک حال خلقی بیک دل ناشاد اولور پیدا
بو عصر پر مشقت ؛ اولیه بر عصر جهات کیم
تفیضیاتی عرفانی استبعاد اولور پیدا
عطالتله سفالت ؛ همنشین روح ملتدر
مساعی پرورانی سوبسم ابعاد اولور پیدا
طوروب ، پای ثبات آندقیجه شهره سلامتده
او آنده هر سرراهکده بیک ابعاد اولور پیدا
حمیت ، استقامت حسنی ترویجه قالدیشسهک
هان آثار دهشتناک استبداد اولور پیدا
نه ممکن جوهر ادرا کی کوسترک اسارتله
ظلام جویری قالدیر ! نور استعداد اولور پیدا
تجلی ایتسه بر دفعه ید بیضای حریت
کوررسین : نا کهانی یر یر استعداد اولور پیدا
قایلمه برسوزره ظاهر پرسیتدن کچ اراق کچ
کیمی سوبلمتسلر ناموس مادرزاد اولور پیدا
چالیش ، تزین انسانیته انسان کامل اول

صبح معرفتده رهبر ارشاد اولور پیدا
نه رتبه حکمفرما اولسهده سودای استیثار
امیدک کسمه ، البت غیرت افراد اولور پیدا
محققدرکه : سورمز تا ابد اطوار غصیه
یاقینده ، پک یاقینده دست استرداد اولور پیدا

۱۳۳۰

نصوح افندی زاده :

ع . خرب



بیان الحق اداره علمیه سنه

کچنده اقدام غزته سنده مندرج منتفک تلغرافناهیسی
مطالعه کندار داعیانم اولمشدی . کویا نجد عامانک
وهانی مذهبنده اولمانلرک قانلری ، جانلری هدرکی بر قول
جاهلانیه جرانیاب اولدقلری مع التأسف اخبار اولنیور .
عاجزلری دور سابقده متباعدین سیاسیهدن اولهرق نجد
نیابتنده والی آیه قریبده متصرفاتی وکالتنده بولنوب
احوال محلیه دائر وقوف ومعلومات تامم اولدیغندن
بویابده بعض ایضاحات اعطاسیله شوخطانک تصحیحنه لزوم
کوردیم . شویله که لواء مذکور اهالیسی عقیده جه هان
عمومیتله سنی اولوب ایچیلرنده برارده شیعی واردر
مرکز لواده بش عدد مدرسه موجود اولوب ایکسینک
مدرسعلری اولان شیخ ابوبکر وعبداللطیف افندیلر
حنفی المذهب درلر دیگر ایکسینک مدرسعلری شیخ ابراهیم
وشیخ علی افندیلر شافعی دیگر مدرسه مدرسسی شیخ
محمد العمیری مالکی المذهبدر علامه غلبه حنفیده ، کثر توجه
اهالی شافعیده در . یالکیز نعلل محله سننده وهانی وار
ایسهده علماسی منقرض اولمشدر بناء علیه ب نلرده اما .
احمد حنبلی مذهبی تقلید ایتسکده درلر .

فریق عاکف پاشانک متصرفاتی زماننده جامع التانی
آل سعودنک تشویقوله باشنه اون بیک قدر حشرات
طوپلایه رق مرکز اوزرینه کلکده ایدوکی خبرنی
استماع ایدن متصرف مشار الیه ترک مأموریت ایدمرک
اورادن صاوشمغله بالضرور وظیفه وکالت عهد عاجزانمه ،

قلمشیدی . ایسته او علمانک تدابیر و همم جلیله دیانت پرور باریکه سایه نصرتوایه شریعتده اوراده بولنان برطابور قوه عسکریه ایله باغی مومی الیهک جمعیتی دوچارهزیت و پریشان ایدلدی .

شو وقعهنی عرض و حکایه دن مقصد نجدده بولنان علمانک همان عمومی اهل سنت و ارباب صلاح و دیانتدر لر بنابرین علماء مومی الیهم حقارنده اوکی اشاعات شیمه حمیه باقیسماز عزویات قبیلندن اولدینی ادله فعلیه ایرادیه ثابتدر . بصره ایله نجد آراسی یوز اوتوز ساعت اولسنه و متفک ایسه ده اوزاقده بولنسنه مبنی اورادن مذکور تاغرافی کشیده ایدن مخبر بوقدر مسافده بولنان علمانک احوالی و مغایر شرع شریف اقوالی عجیبا نه واسطه ایله کشف و تحقیق ایدم بیلمشدر . دور استبداده اورالره خبائی ارتکاب ایدن ارادل کروهندن مأمور لر کوندریلوب بوجهتله نه اهالی اومأمور لرله ونده بونلر اهالی ایله تماس و اختلاطده بولندقلرندن مأمورین مومی الیهم اهالینک وهابی اولدینی ظن و ذهاسبند بولنور لر ایدی خابوکه اورا اهالیسی، عاماسی کبی محب دین و شریعت و احکام شرع شریفه جدأ منقاددر لر .

اعتقادلرنده اصلاً بوزوفاق اولمیان نجد علماسنه بوکبی خلاف شرع شریف احوالی اسناد ایلك بر عرض و یا خطا اثری اولمقدن بشقه برشیئه حمل ایدیه مر . فتواخانه جلیله دن

امیر اسلام

قره مرسل ضابطه مأمورینه بر تشکر

کچلرده استانبولک راطب هوالنندن قورتیلهرق بر از صاف هوا ایله استراحت مقصدینه مبنی قره مرسله قدر بر نزه یامش ایدم . تام قره مرسله ایاق باصدیغم دقیقه ایدی که : غریب بروقهیه تصادف ایدم باشمدن اورلمشه دوندم شویله که : ذاتاً طانیدیغم و یک محترم بیلدیکم قره مرسل مفتیسی، افاضل شهری، او پیرفانی

محترمی بر طاقم کندینی بیامز نه اولدم ؟ دایلی آرالینه الهرق بر طاقم اداب اسلامیه یاقشمز و بر مفتینک حالیه غیر مناسب اوضاع ایله ضابطه مأمورینه قدر کتوردکلرینی کوردیکم، بعضیلرینک آغزندن ده «ارتجاع» لاقیدرلری ایشدیکم ایچون بالطبع شویله بر کناردن سیره قویولدم . نتیجه انتظار ایدیوردم .

بر اراق ضابطه طرفندن مفتی افندی کال احترامله بر اقلدیغی کوردیکم گبی سرورمدن سوینجمدن ایکنجی دفعه اوله رق اغلدم . نهایت ایشی تحقیق ایدرک کلادمکه : مسئله شویله ایش . قره مرسلده بر مکتب منفعته بر او یون اوینانه حق ایش . بیلترک صائق و وظیفه سی قره مرسل جامع شریفی امام حریت پرورینه !! تودیع ایدلمش . خواجهم صقالیه ! صاریغیه ! کیشه باشند بیات صامقده ایکن اورادن تصادفی مفتی افندی کچر و خواجهم افندی بی کیشه باشند او یون بیاتی صاتار کورنجه یک یاقشدره . مدیغی ایچون خواجهم « سندن بشقه کسه یوقی بیات صاته حق سکا یاقشمز » دیمسی بر ارتجاع تشکل ایش مفتی افدینک بو ارتجاعی اوزرینه مرتجعله لایق بر حال ایله ضابطه قدر کتورلمش و حتی افاده سی ده ضبط ایدلمش فقط ایشک حقیقتی اکلایان حقانیت پرور ضابطه مأموری مفتی افندی بی کال احترام ایله بر اقیورمش . بونی کوردیکم کبی کندی کندیمه بو ملک کتده طور مق جائز دکل دیهرک کتدیکم واپور ایله عودت ایدم فقط بر وظیفه قالدی . اوده اورا ضابطه مأمورینه کیدرک بر آشکر ایدم جکدم هر نصلسه اوراده یاه مدیغ ایچون شو امر خیره محترم بیان الحقک توسطانی استرحام ایلرم .

فی ۱۰ حزیران سنه ۱۳۲۶

اکدارلی

محمد نوری

مدیر مسئولی : محمد منیر

محمود بک مطبعه سی